

批世說新語

文
編
附
牛

批
世說新語
點

文
編
331#



文621
337.4



打鵝一物

批點世說新語序

易稱書不盡言言不盡意然則書者

言之餘響而言者意之景測也是以

莫逆之旨恒存乎相視糟粕之喻無

與於心傳由百世之下讀其書而欲

想見其爲心不亦遠乎此立言者之

所以難也晉人雅尚清譚風流映於

徐陵

徐陵

後世而臨川王生長晉末沐浴浸漑
述爲此書至今諷習之者猶能令人
舞蹈若親覩其獻酬儻在當時聆樂
衛之韶音承殷劉之潤響引宮刻羽
貫心入脾尚書爲之含笑平子由斯
絕倒不亦宜乎蓋晉人之譚所謂言
之近意而臨川此書抑亦書之近言

者也余幼而酷嗜此書中年彌甚恒
著巾箱鉛槧數易韋編欲絕第其句
或勾棘語近方言句深則難斷語異
則難通積思累校小獲疏明終乎闕
疑以遵聖訓至於孝標一註博引旁
綜前無古人裴松之三國志註差得
比肩而頗爲俗夫攬入叔世之譚恨

不能盡別淄澠時一標出以洗卯金
氏之寃初雖闕之帳中旣欲公之灸
嗜而叅知喬公見之亟相賞譽卽授
梓人爰綴末章敘所繇梓是編也成
吾豈敢謂二氏之忠臣抑庶幾不爲
風雅之臯人乎 吳龍王世懋撰

王氏
義蓋

舊序

積學齋徐乃昌感書

晉人樂曠多奇情故其言語文章別是一色世
說可觀已說爲晉作及於漢魏者其餘耳雖典
雅不如左氏國語馳騫不如諸國策而清微簡
遠居然玄勝槩舉如衛虎度江安石教兒機鋒
似沈滑稽又冷類入人夢思有味有情曠之愈
多嚼之不見蓋于時諸公剗以一言半句爲終
身之目未若後來人士俛焉下筆始定名價臨

川善述更自高簡有法反正之評戾實之載豈不或有亦當頌之使與諸書竝行也晚後淺俗奈解人正不可得於戲人言江左清談遺事槃槃一老出其遊戲餘力尚足辦此百萬之敵茲非談之宗歟抑吾取其文而非論其人也丙戌長夏病思無聊因手校家本精刻其長註間疏其滯義明年以授梓人乃五月旣望梓成耘廬劉應登自書其端是爲序

嘗攷載記所述晉人話言簡約玄澹爾雅有韻世言江左善清談今閱新語信乎其言之也臨川撰爲此書採掇綜叙明暢不繁孝標所注能收錄諸家小史分釋其義詰訓之賞見於高似孫緯略余家藏宋本是放翁校刊本謝湖躬耕之暇手披心寄自謂可觀爰付梓人傳之同好因歎昔人論司馬氏之祚亾於清談斯言也無乃過甚矣乎竹林之儔希慕沂樂蘭亭之集詠

歌堯風陶荊州之勤敏謝東山之恬鎮解莊易
則輔嗣平叔擅其宗析梵言則道林法深領其
乘或詞冷而趣遠或事瑣而意奧風旨各殊人
有興託王茂弘祖士雅之流才通氣峻心翼王
室又斑斑載諸冊簡是可非之者哉詩不云乎
濟濟多士文王以寧余以瑯琊王之渡江諸賢
弘贊之力爲多非強說也夫諸晤言率遇藻裁
遂爲終身品目故類以標格相高玄虛成習一

時雅尚有東京厨俊之流風焉然曠達拓落濫
觴莫拯取譏世教撫卷惜之此於諸賢不無遺
憾焉耳矣刻成序之嘉靖乙未歲立秋日也吳
郡表褰撰

西晉士風號稱簡禮甚矣而朞功絲竹尚蒙史
氏之譏至其推明老莊之旨諸爲譚辯渺漫無
根猶時時爲理屈也吾觀今世儒者皆知宗孔
氏而其說未曾不奇于玄空乃若薦紳守禮之

家不見譏于史氏者能幾何哉吾是以知西晉之士未爲甚詭于先聖其風猶有可存者是書爲臨川王所著而孝標之註往往補其闕而剔其訛足備一代之言顧其說時相牴牾又或不可句解者尚多也督學麟洲王公該洽今古于是書尤爲篤嗜時有批評竄點覃精絕韋不自知其用心之勤矣余幸而獲觀焉闡幽發隱睦耳慙心致足樂也遂請而俾諸梓烏乎極晉人

立言之意所謂蕩而有歸者參之以次公之論庶幾其意可求于以翼世教者非銳矣若曰苟資譚說而已則豈深于是書者哉萬曆辛巳之夏月雲間喬懋敬允德甫撰

舊題

見高氏緯略

宋臨川王義慶采擷漢晉以來佳事佳話爲世
說新語極爲精絕而猶未爲竒也梁劉孝標注
此書引援詳確有不言之妙如引漢魏吳諸史
及子傳地理之書皆不必言只如晉氏一朝史
及晉諸公列傳譜錄文章凡一百六十六家皆
出於正史之外記載特詳聞見未接寔爲注書
之法

舊跋

右世說三十六篇世所傳釐爲十卷或作四十五篇而末卷但重出前九卷中所載余家舊藏蓋得之王原叔家後得晏元獻公手自校本盡去重復其注亦小加剪裁最爲善本晉人雅尚清談唐初史臣修書率意竄定多非舊語尚賴此書以傳後世然字有譌舛語有難解以它書證之間有可是正處而注亦比晏本時爲增損

至於所疑則不敢妄下雌黃姑亦傳疑以俟通博紹興八年夏四月癸亥廣川董斧題

郡中舊有南史劉賓客集版皆廢于火世說亦不復在游到官始重刻之以存故事世說最後成因併識于卷末淳熙戊申重五日新定郡守笠澤陸游書

余弱冠時幸睹王次公批點世說一書發明詳備可稱鉅觀以刻自豫章藩司中不能家傳戶誦爲恨壬

午秋嘗命之梓殺青無幾惜板忽星失余唯是有志而未逮也嗣後家弟初成得馮開之先生所秘辰翁應登兩家批註本刺之為鼓吹欣然曰向年蠹簡殘編已成煨燼今獲捃摭其全良為快事行之已久獨失載圈點未免有遺珠之嘆予復合三先生手澤耘廬綴以黃涇溪綴以藍敬美綴以硃分次井然庶覽者便于別識云

吳興凌瀛初識



世說名字異稱

武帝操字孟德

亦稱曹公

魏武

文帝丕字子桓

亦稱文帝

魏文帝

陳思王植字子建

亦稱東阿

臨淄侯

歸命侯皓字元宗

附 一名彭祖

文王師字子元

亦稱司馬景王

景王昭字子上

亦稱司馬文王

簡文帝昱字道萬

亦稱簡文

會稽王

世說名字

相王

撫軍

司馬晞字道升

亦稱太宰

武陵王

會稽王道子

亦稱太傅

愍王丞字元敬

亦稱譙王

荀淑字季和

亦稱朗陵

陳寔字仲弓

亦稱太丘

張昭字子布

亦稱輔吳

陳羣字長文

亦稱司空

顧榮字彥先

亦稱驃騎

元公

鄧攸字伯達

亦稱僕射

王廙字世將

亦稱平南

王昶字文舒

亦稱司空

裴徽字文季

亦稱冀州

使君

裴頠字逸民

亦稱僕射

成公

裴公

陸機字士衡

亦稱平原

陸雲字士龍

亦稱清河

蔡洪字叔開

亦稱秀才

羊祐字叔子

亦稱羊公 太傅

王义字叔元

亦稱平北

王衍字夷甫

亦稱太尉

阮籍字嗣宗

亦稱步兵 阮公

嵇康字叔夜

亦稱中散 嵇公

王戎字濬仲

亦稱安豐 阿戎

山濤字巨源

亦稱司徒 山公

裴楷字叔則

亦稱裴令 令公

樂廣字彥輔

亦稱樂令

荀勗字公曾

亦稱濟北

謝鯤字幼輿

亦稱豫章

賀邵字典伯

亦稱太傅

賀循字彥先

亦稱司空 賀生

王澄字平子

亦稱阿平

王敦字處仲

亦稱阿黑 大將軍

王導字茂弘

亦稱河龍 丞相 王公

庾亮字元規

亦稱庾公

文康

太尉

祖納字士言

亦稱光祿

王湛字處沖

亦稱汝南

溫嶠字太真

亦稱溫公

忠武

諸葛恢字道明

亦稱諸葛令

謝裒字幼儒

亦稱尚書

卞壺字望之

亦稱卞令

庾敳字子嵩

亦稱中郎

庾琮字子躬

亦稱庾公

祖逖字士稚

亦稱車騎

衛玠字叔寶

亦稱虎 洗馬

周顥字伯仁

亦稱僕射 周侯

周謨字叔治

亦稱阿奴

陶侃字士行

亦稱陶公

栢彞字茂倫

亦稱廷尉 常侍

殷羨字洪喬

亦稱豫章

褚裒字季野

亦稱褚公

殷融字洪遠

亦稱太常

劉惔字真長

亦稱劉尹

王承字安期

亦稱東海

韓伯字康伯

亦稱豫章

太常

許詢字玄度

亦稱阿訥

許掾

顧和字君孝

亦稱司空

郝鑒字道徽

亦稱太尉

太傅

司空

王恭字孝伯

亦稱甯

謝尚字仁祖

亦稱鎮西

堅石

謝奕字無奕

亦稱安西

晉陵

謝奉字弘道

亦稱安南

謝安字安石

亦稱太傅

謝公

文靖

謝萬字萬石

亦稱阿萬

中郎

高崧字茂琰

亦稱阿鄢

侍中

王述字懷祖

亦稱藍田

宛陵

王胡之字修齡

亦稱阿齡 司州

王濛字仲祖

亦稱阿奴 長史

張湛字處度

亦稱麟

江彪字思玄

亦稱僕射

裴遐字叔道

亦稱散騎

王微字幼仁

亦稱荆產

孫綽字興公

亦稱長樂

郗愔字方回

亦稱司空 郗公

相溫字元子

亦稱相公 征西 大司馬 宣武 荆州

王羲之字逸少

亦稱右軍 臨川

荀羨字令則

亦稱中郎

庾翼字穉恭

亦稱征西 小庾 小征西

何充字次道

亦稱驃騎 揚州

蔡謨字道明

亦稱蔡公 司徒

阮裕字思曠

亦稱光祿 阮公 主簿

庾冰字季堅

亦稱司空

陶範字道則

亦稱胡奴

袁宏字彥伯

亦稱虎

栢沖字玄叔

亦稱車騎

栢遐字伯道

亦稱石頭

殷浩字淵源

亦稱阿源

揚州

中軍

陸玩字士瑤

亦稱太尉

卞範之字敬祖

亦稱鞠

吳坦之字處靖

亦稱道助

吳隱之字處默

亦稱附子

郗曇字重熙

亦稱中郎

栢歆字叔道

亦稱式

王修字敬仁

亦稱荀子

劉淮字伯濟

亦稱河內

孔坦字君平

亦稱廷尉

阮共字伯彥

亦稱衛尉

王蘊字叔仁

亦稱阿興

光祿

庾友字惠彦

亦稱玉臺

王爽字季明

亦稱曙

謝玄字幼度

亦稱遏 車騎 孝

謝韶字穆度

亦稱末

謝淵字叔度

亦稱胡

謝琰字瑗度

亦稱末婢 望蔡

王恬字敬豫

亦稱王螭 阿螭

李康字玄胄

亦稱秦州

王洽字敬和

亦稱領軍 車騎

王蒼字敬文

亦稱小奴 衛軍

劉麟之字子驥

亦稱遺民

孔羣字敬休

亦稱中丞

謝朗字長度

亦稱胡兒 東陽

孔愉字敬康

亦稱車騎

王舍字處弘

亦稱光祿

袁喬字彥升

亦稱羊

相伊字叔夏

亦稱子野

護軍

孔安國字安國

亦稱僕射

戴逵字安道

亦稱戴公

劉瑾字仲璋

亦稱太常

謝據字立道

亦稱虎子

中郎

曹茂之字永世

亦稱蜍

王凝之字叔平

亦稱江州

王徽之字子猷

亦稱黃門

郗超字景興

亦稱嘉賓

郗恢字道胤

亦稱尚書

雍州

阿乞

王禕之字文劭

亦稱僧恩

王坦之字文度

亦稱中郎

安北

王獻之字子敬

亦稱阿敬

王令

王臨之字仲產

亦稱東陽

阿林

張玄之字祖希

亦稱冠軍

吳興

王楨之字公幹

亦稱侍中

思道

王簿

王詢字元琳

亦稱法護

東亭

阿瓜

王珉字季琰

亦稱僧彌

阿彌

王彌

庾倩字少彥

亦稱倪

王愉字茂和

亦稱僕射

褚爽字茂弘

亦稱期生

王忱字元達

亦稱佛大

王大

阿大

許璪字思文

亦稱侍中

栢玄字敬道

亦稱靈寶

南郡

義興

庾羲字叔和

亦稱道恩

范甯字武子

亦稱豫章

江鼓字仲凱

亦稱盧奴

王廞字伯輿

亦稱長史

庾會字會宗

亦稱阿恭

裴榮字榮期

亦稱裴郎

王熙字叔和

亦稱齊

庾玄之字仲真

亦稱園客

栢嗣字恭祖

亦稱豹奴

張鎮字義遠

亦稱蒼梧

郝融字景山

亦稱倉

王肅之字幼恭

亦稱咨議

王彭之字安壽

亦稱虎狔

王彪之字叔虎

亦稱虎犢

王虔之字文將

亦稱阿智

鄧遐字應玄

亦稱竟陵

衛展字道舒

亦稱江州

何澄字子玄

亦稱僕射

應詹字思遠

亦稱鎮南

庾統字長仁

亦稱赤玉

李重字茂重

亦稱平陽

孫騰字伯海

亦稱僧奴

王謚字雅遠

亦稱武罔

孔蠟字彭祖

亦稱西陽

孔淳之字克深

亦稱隱士

謝混字叔源

亦稱益壽 望蔡

竺法汰

亦稱汰法師

竺法深

亦稱深公

支遁字道林

亦稱林公 支公 林道人 林法師

支法師

尸黎密

本稱高坐道人

竺德

本稱道壹道人

憲遠

姓賈本稱遠公

同姓名

袁宏字彥伯

亦稱虎

袁宏字奉高

郝隆字佐治

郝隆字弘始

王渾字玄沖

亦稱司徒

王渾字長原

王愷字君夫

王愷字茂仁

一人兩名

荀爽字慈明

一名諡

鄧艾字士載

一名範字士則

趙至字景真

一名翼字湯

名與字同

殷仲文字仲文

孔安國字安國

世說新語目錄

卷一

德行

言語上

卷二

言語下

政事

文學上

卷三

文學下

方正

卷四

雅量

識鑒

賞譽_上

卷五

賞譽_下

品藻

規箴

捷悟

夙惠

豪爽

卷六

容止

自新

企羨

傷逝

棲逸

賢媛

術解

巧藝

寵禮

卷七

任誕

簡傲

排調

輕詆_上

卷八

輕詆下

假譎

黜免

儉嗇

汰侈

忿狷

讒險

尤悔

紕漏

惑溺

仇讟

世說新語

德行

南陵徐乃昌校勘經籍記

印合徐乃昌書畫印

劉會孟曰世說所載多無入解有之則古今不可謂無叔自未可弃耳

陳仲舉言為士則行為世範登車攬轡有澄清

天下之志

汝南先賢傳曰陳蕃字仲舉汝南平輿人有室荒蕪不掃除曰大丈夫當

為國家掃天下值漢桓之末閣豎用事外戚豪橫及拜太傅與大將軍竇武謀誅宦官反為所害
為豫章太守 海內先賢傳曰蕃為尚書以忠正忤貴戚不得在臺遷豫章太

守 至便問徐孺子所在欲先看之

謝承後漢書曰徐穉字孺

子豫章南昌人清妙高時超世絕俗前後為諸公所辟雖不就及其死萬里赴吊常預炙雞一

劉應登曰
謂陳欲便
看孺子而
主簿欲其
候入解後

隻以綿漬酒中暴乾以裹雞徑到所赴冢隧外
以水漬綿斗米飯白茅為藉以雞置前爵酒畢
留謁即去
王簿白羣情欲府君先入解陳曰武

不見喪主
王式商容之間席不暇煖
許叔重曰商容殷之
賢人老子師也車上

式曰
吾之禮賢有何不可
袁宏漢紀曰蕃在豫
章為穉獨設一榻去

則懸之見
禮如此

周子居常云吾時月不見黃叔度則鄙吝之心

已復生矣
子居別見典畧曰黃憲字叔度汝南
慎陽人時論者咸云顏子復生而族

出孤鄙父為牛醫潁川荀季和執憲手曰足下
吾師範也後見袁奉高曰卿國有顏子寧知之

乎奉高曰卿見吾叔度邪戴良少所服下見憲
則自降薄悵然若有所失母問汝何不樂乎復
從牛醫兒所來邪良曰瞻之在前忽焉在後所謂良之師也

郭林宗至汝南造袁奉高
續漢書曰郭泰字宗

林太原介休人泰少

孤年二十行學至城阜屈伯彥精廬乏食衣不
蓋形而處約味道不改其樂李元禮一見稱之

曰吾見士多矣無如林宗者及卒蔡伯喈為
作碑曰吾為人作銘未嘗不有慚容唯為郭有

道碑頌無愧耳初以有道君子徵泰曰吾觀乾
象人事天之所廢不可支也遂辭以疾汝南先

賢傳曰袁宏字奉高慎陽人友黃叔度車不停
於童齒薦陳仲舉於家巷辟大尉掾卒
軌鸞不輟軌詣黃叔度乃彌日信宿人問其故

補此章

王敬美曰叔
度直是難窺
究竟雅量第
一

不濁易見不
清難知叔是
世言

本語云奉高
清而易挹四
字有味不
去

此渡何德行

林宗曰叔度汪汪如萬頃之陂澄之不清擾之
不濁其器深廣難測量也秦別傳曰薛恭祖問
之秦曰奉高之器譬

諸汎濫雖
清易挹也

李元禮風格秀整高自標持欲以天下名教是

非為已任

薛瑩後漢書曰李膺字元禮潁川襄
城人抗志清妙有文武儁才遷司隸

校尉為黨
事自殺

後進之士有升其堂者皆以為登龍

門三秦記曰龍門一名河津去長安九百里
水懸絕龜魚之屬莫能上上則化為龍矣

李元禮嘗歎荀淑鍾皓

先賢行狀曰荀淑字季
和潁川潁陰人也所拔

肅稱芻牧之中執案刀筆之吏皆為英彥舉方

正補朗陵侯相所在流化鍾皓字季明潁川長

社人父祖至德著名皓高風承世除

林慮長不之官人位不足天爵有餘曰荀君清

識難尚鍾君至德可師

海內先賢傳曰潁川先
輩為海內所師者定陵

陳穉叔潁陰荀淑長社鍾皓少府李膺宗此

三君常言荀君清識難尚陳鍾至德可師

陳太丘詣荀朗陵貧儉無僕役

陳寔傳曰寔字
仲弓潁川許昌

人為聞喜令太

丘長風化宣流乃使元方將車

先賢行狀曰陳
紀字元方寔長

子也至德絕俗與寔高名並著而弟謙又配之

每宰府辟召羔鴈成羣世號三君百城皆圖畫

季方持杖後從長文尚小載箸車中既至荀使

元註有五百里內後不可少

全本以此

意是耳覺此為煩

叔慈應門慈明行酒餘六龍下食

張璠漢紀曰淑有八子儉

鯤靖熹汪爽肅敷淑居西豪里縣令苑康曰昔高陽氏有才于八人遂署其里為高陽里時人

號曰文若亦小坐箸鄴前于時太史奏真人東

行檀道鸞續晉陽秋曰陳仲弓從子姪造荀

客有問陳季方海內先賢傳曰陳譔字季方寔

就微不足下家君太丘有何功德而荷天下重名

季方曰吾家君譬如桂樹生泰山之阿上有萬

仞之高下有不可測之深上為甘露所霑下為淵

泉所潤當斯之時桂樹焉知泰山之高淵泉之

深不知有功德與無也

陳元方子長文有英才魏書曰陳羣字長文祖寔謂人曰此兒必與吾

宗及長有識度其所善皆父黨與季方子孝先陳氏譜曰譔子忠字孝先州辟

不各論其父功德爭之不能決咨于太丘太丘

曰元方難為兄季方難為弟一作元方難為弟季方難為兄

荀巨伯遠看友人疾荀氏家傳曰巨伯漢桓帝時人也亦出潁川未詳其

始值胡賊攻郡友人語巨伯曰吾今死矣子可

家前語

巨伯固高此賊亦入德行之選矣

元註有五百里內後不可少

今本以此

意是耳覺此為煩

叔慈應門慈明行酒餘六龍下食

張璠漢紀曰淑有八子儉

鯤靖熹汪爽肅敷淑居西豪里縣令苑康曰昔高陽氏有才子八人遂署其里為高陽里時人

號曰文若亦小坐箸鄴前于時太史奏真人東

行檀道鸞續晉陽秋曰陳仲弓從子姪造荀

客有問陳季方海內先賢傳曰陳諶字季方寔少子也才識博達司空掾公車

徵不就足下家君太丘有何功德而荷天下重名

季方曰吾家君譬如桂樹生泰山之阿上有萬

仞之高下有不可測之深上為甘露所霑下為淵

泉所潤當斯之時桂樹焉知泰山之高淵泉之

深不知有功德與無也

陳元方子長文有英才魏書曰陳羣字長文祖寔謂人曰此兒必與吾

宗及長有識度其所善皆父黨與季方子孝先陳氏譜曰諶子忠字孝先州辟

不各論其父功德爭之不能決咨于太丘太丘

曰元方難為兄季方難為弟一作元方難為弟季方難為兄

荀巨伯遠看友人疾荀氏家傳曰巨伯漢桓帝時人也亦出潁川未詳其

始值胡賊攻郡友人語巨伯曰吾今死矣子可

家前語

巨伯固高此賦亦入德行之選矣

賊語亦佳

馬詩可觀

去、巨、伯、曰、遠、來、相、視、子、令、吾、去、敗、義、以、求、生、豈、
荀、巨、伯、所、行、邪、賊、既、至、謂、巨、伯、曰、大、軍、至、一、郡、
盡、空、汝、何、男、子、而、敢、獨、止、巨、伯、曰、友、人、有、疾、不、
忍、委、之、寧、以、我、身、代、友、人、命、賊、相、謂、曰、我、輩、無、
義、之、人、而、入、有、義、之、國、遂、班、軍、而、還、一、郡、並、獲、
全、

華歆遇子弟甚整、雖閒室之內、嚴若朝典、

魏志曰歆

字子魚平原高唐人魏略曰靈帝時與北海邴原管寧俱遊學相善時號三人為一龍謂歆為

龍頭寧為龍腹原為龍尾陳元方兄弟恣柔愛之道而二門

之裏兩不失雍熙之軌焉

管寧華歆共園中鋤菜

傅子曰寧字幼安北海朱虛人齊相管仲之後

也見地有片金管揮鋤與瓦石不異華捉而擲

去之又嘗同席讀書有乘軒冕過門者寧讀如

故歆廢書出看寧割席分坐曰子非吾友也

魏略

曰寧少恬靜常笑邴原華子魚有仕宦意及歆為司徒上書讓寧寧聞之笑曰子魚本欲作老吏故榮之耳

此 其優劣不在 真強生優劣 把擲未害其

王朗每以識度推華歆魏書曰朗字景興東海郟人魏司徒歆蜡

日禮記曰天子大蜡八伊耆氏始為蜡蜡索也歲十二月合聚萬物而索饗之五經要義曰

三代名臘夏曰嘉平殷曰清祀周曰大蜡總謂

之臘晉博士張亮議曰蜡者合聚百物索饗之

歲終休老息民也臘者祭宗廟五祀傳曰臘接

也祭則新故交接也秦漢已來臘之明日為祝

歲古之遺語也嘗集子姪燕飲王亦學之有人向張華

說此事張曰王之學華皆是形骸之外去之所

以更遠王隱晉書曰張華字茂先范陽人也累遷司空而為趙王倫所害

華歆王朗俱乘船避難有一人欲依附歆輒難

聞世而後知其難賴有此語

管勝華、漢勝王人不可無辨

之朗曰幸尚寬何為不可後賊追至王欲舍所

攜人歆曰本所以疑正為此耳既已納其自託

寧可以急相棄邪遂攜拯如初世以此定華王

之優劣華嶠譜叙曰歆為下邳令漢室方亂乃與同志士鄭太等六七人避世自武關

出道遇一丈夫獨行願得與俱皆哀許之歆獨

曰不可今在危險中禍福患害義猶一也今無

故受之不知其義若有進退可中棄乎眾不忍

卒與俱行此丈夫中道墮井皆欲棄之歆乃曰

已與俱矣棄之不義卒共還出之而後別王祥事後母朱夫人甚謹晉諸公贊曰祥字休徵琅邪臨沂人祥世

家曰祥父融娶高平薛氏生祚繼室以廬江朱氏生覽晉陽秋曰後母數譖祥屢以非理使祥弟覽輒與祥俱又虐使祥婦覽妻亦趨而共之母患方盛寒冰凍母欲生魚祥解衣將剖冰求之會有處冰小解魚出蕭廣濟孝子傳曰祥後母忽欲黃雀炙祥念難卒致須臾有數十黃雀飛入其幕母之所須必自奔走無不得焉其誠至如此

家有一李樹結子

殊好母恒使守之時風雨忽至祥抱樹而泣蕭廣

濟孝子傳曰祥後母庭中有李始結子使祥晝視鳥雀夜則趨鼠一夜風雨大至祥抱泣至曉

母見之惻然祥嘗在別牀眠母自往闇斫之值祥私

起空斫得被既還知母憾之不已因跪前請死

六十而仕不害為太保

母於是感悟愛之如已子虞預晉書曰祥以後十刺史呂虔檄為別駕時人歌之曰海沂之康寔賴王祥邦國不空別駕之功累遷太保

晉文王稱阮嗣宗至慎每與之言言皆玄遠未嘗臧否人物魏書曰文王諱昭字子上宣帝第

曠達之人而稱其至慎老賊後自有見也

陳留尉氏人阮瑀子也宏達不羈不拘禮俗充州刺史王昶請與相見終日不得與言昶愧歎之自以不能測也口不論事自然高邁李康家誠曰昔嘗侍坐於先帝時有三長史俱見臨辭出上曰為官長當清當慎當勤修此三者何患不治乎並受詔上顧謂吾等曰必不得已而去於斯三者何先或對曰清固為本復問吾吾對曰清慎之道相須而成必不得已慎乃為大上

今亦以此章

又與忤物致

憎斬鍾會意

別

從一本作從石足

曰卿言得之矣、可舉近世能慎者誰乎、吾乃舉故太尉荀景倩、尚書董仲達、僕射王公仲、上曰、此諸人者、温恭朝夕、執事有恪、亦各其慎也、然天下之至慎者、其唯阮嗣宗乎、每與之言、言及玄遠、而未嘗評論時事、臧否人物、可謂至慎乎、

王戎云、與嵇康居二十年、未嘗見其喜愠之色、

康集敘曰、康字叔夜、譙國鉅人、王隱晉書曰、嵇本姓溪、其先避怨、徙上虞、移譙國鉅縣、以出自會稽、取國一支音同本奚焉、虞預晉書曰、鉅有嵇山、家於其側、因氏焉、康別傳曰、康性含垢藏瑕、愛惡不爭於懷、喜怒不寄於顏、所知王濬、沖在襄城、面數百、未嘗見其疾聲、朱顏、此亦方中之美範、人倫之勝業也、文章敘錄曰、康以魏長樂亭王壻、遷郎中、拜中散大夫、

言其骨立

王戎和嶠同時遭大喪、俱以孝稱、王鷄骨支牀

和哭泣備禮

晉諸公贊曰、戎字濬、沖琅邪人、太保祥宗族也、文皇帝輔政、鍾會薦

之曰、裴楷清通、王戎簡要、即俱辟為掾、晉踐祚累遷、荆州刺史、以平吳功、封安豐侯、晉陽秋曰、戎為豫州刺史、遭母憂、性至孝、不拘禮制、飲酒食肉、或觀碁奕、而容貌毀悴、杖而後起、時汝南和嶠、亦名士也、以禮法自持、處大憂、量米而食、然顛頓哀毀、不逮戎也、武帝謂劉

仲雄曰

王隱晉書曰、劉毅字仲雄、東萊掖人、漢城陽景王後也、亮直清方、見有不善、必

評論之、王公大人、望風憚之、僑居陽平、太守杜恕致為功曹、沙汰郡吏三百餘人、三魏無日、但聞劉功曹不聞杜府君、卿數省王和不聞和哀、累遷尚書司隸校尉、

苦過禮使人憂之仲雄曰和嶠雖備禮神氣不損王戎雖不備禮而哀毀骨立臣以和嶠生孝王戎死孝陛下不應憂嶠而應憂戎

梁王趙王

朱鳳晉書曰宣帝張夫人生梁孝王彤字子徽位至太宰桓夫人生趙王

倫字子彝位至相國

國之近屬貴重當時裴令公

晉諸公贊曰裴

楷字叔則河東聞喜人司空秀之從弟也父徽冀州刺史有俊識楷特精易義累遷河南尹中

書令

歲請二國租錢數百萬以恤中表之貧者

或譏之曰何以乞物行惠裴曰損有餘補不足

此語可入佛經註疏第已奉不足中表根偏

天之道也

名士傳曰楷行已取與任心而動毀譽雖至處之晏然皆此類

王戎云太保居在正始中不在能言之流及與

之言理中清遠將無以德掩其言

晉陽秋曰祥美德行

王安豐遭艱至性過人裴令往弔之曰若使一

慟果能傷人濬冲必不免滅性之譏

曲禮曰居喪之禮毀

瘠不形視聽不衰不勝喪乃比於不慈不孝孝經曰毀不滅性聖人之教也

王戎父渾有令名官至涼州刺史

世語曰渾字長原有才望

歷尚書涼州刺史

渾薨所歷九郡義故懷其德惠相率

世說卷一

德行

九

我從祖語似同時

形密甚至

晚節乃握牙
籌鑽李核

今本以此章

致賻數百萬戎悉不受

虞預晉書曰戎由是顯名

劉道真嘗為徒

晉百官名曰劉寶字道真高平人徒罪役作者

扶風王

駿

虞預晉書曰駿字子臧宣帝第十七子好學至孝晉諸公贊曰駿八歲為散騎常侍侍魏

齊王講晉受禪封扶風王鎮關中為政最美夔贈武王西土思之但見其碑贊者皆拜之而泣

其遺愛

如此以五百疋布贖之既而用為從事中郎

當時以為美事

王平子胡母彥國諸人皆以任放為達或有裸

體者

晉諸公贊曰王澄字平子有達識荆州刺史永嘉流人名曰胡母輔之字彥國泰山

奉高人湘州刺史王隱晉書曰魏末阮籍嗜酒

荒放露頭散髮裸袒箕踞其後貴游子弟阮瞻

王澄謝鯤胡母輔之之徒皆祖述於籍謂得大

道之本故去巾幘脫衣服露醜惡同禽獸甚者

名之為通次者名之為達也樂廣笑曰名教中自有樂地何

為乃爾也

郗公值永嘉喪亂在鄉里甚窮餒鄉人以公名

德傳共飴之公常攜兄子邁及外生周翼二小

兒往食鄉人曰各自饑困以君之賢欲共濟君

耳恐不能兼有所存公於是獨往食輒舍飯箸

今本外生作外甥

今本以此章

本補本皆爾也下注有廣別見三字

兩頰所箸能
幾足哺二兒
兒非甚小在
穀氣不絕耳
哀哉

兩頰邊還吐與二兒後竝得存同過江郗鑒別

字道徽高平金鄉人漢御史大夫郗慮後也少

有體正耽思經籍以儒雅著名永嘉末天下大

亂饒饒相望冠帶以下皆割已之資供鑿元皇

徵為領軍遷司空太尉中興書曰鑒兄子邁字

思遠有幹世才畧郗公亡翼為剡縣解職歸席

累遷少府中護軍

苦於公靈牀頭心喪終三年周氏譜曰翼字子

谷太守父優車騎咨議歷剡令卿陳郡人祖奕上

青州刺史少府卿六十四而卒

顧榮在洛陽嘗應人請覺行炙人有欲炙之色

因輟已施焉同坐嗤之榮曰豈有終日執之而

不知其味者乎後遭亂渡江每經危急常有一

人左右已問其所以乃受炙人也文士傳曰榮

人其先越王勾踐之支庶封於顧邑子孫遂氏

焉世為吳著姓大父雍吳丞相父穆宜都太守

榮少朗俊機警風穎標徹歷廷尉正曾在省與

同僚共飲見行炙者有異於常僕乃割炙以噉

之後趙王倫篡位其子為中領軍逼用榮為長

史及倫誅榮亦被執凡受戮等輩十有餘人或

有救榮者問其故曰榮省中受炙臣也榮悟

而歎曰一餐之惠恩今不忘古人豈虛言哉

祖光祿少孤貧性至孝常自為母炊爨作食王

晉書曰祖納字士言范陽道人九世孝廉納諸

母三兄最治行操能清言歷太子中庶子廷尉

世說卷一 德行 十一

不可謂無
謂以酒食
請之

詳時人之戲
以王平北用
二婢換得一
奴故光祿戲
答如此始雖
稱祖孝行既
乃入於排調

卿避地江南溫嶠
薦為光祿大夫
王平北聞其佳名以兩婢餉

之因取為中郎
王又別傳曰又字叔元琅邪臨沂人時蜀新平二將作亂文帝

西之長安乃徵為相國司馬遷大
尚書出督幽州諸軍事平北將軍
有人戲之者

曰奴價倍婢祖云百里奚亦何必輕於五羖之

皮邪
楚國先賢傳曰百里奚字井伯楚國人少仕於虞為大夫晉欲假道於虞以伐虢諫

而不聽奚乃去之說苑曰秦穆公使賈人載鹽怪
於虞諸賈人買百里奚以五羊皮穆公觀鹽怪

其牛肥問其故對曰飲食以時使之不暴是以
肥也公令有司沐浴衣冠之公孫支讓其卿位

號曰五
殺大夫

周鎮罷臨川郡還都未及上住泊清溪渚
永嘉流人

名曰鎮字康時陳留尉氏人也祖父和故安令

父震司空長史中興書曰鎮清約寡欲所在有

異績王丞相往看之
丞相別傳曰王導字茂弘琅邪人祖覽以德行稱父裁侍

御史導少知名家世貧約恬
暢樂道未嘗以風塵經懷也時夏月暴雨卒至

舫至狹小而又大漏殆無復坐處王曰胡威之

清何以過此即啟用為吳興郡
晉陽秋曰胡威字伯虎淮南人

父質以忠清顯質為荊州威自京師往省之及

告歸質賜威絹一匹威跪曰大人清高於何得

此質曰是吾奉祿之餘故以為汝糧耳威受而

去每至客舍自放驢取樵爨食畢復隨旅進

政自畏人知
耳善推其父

按避絕句為是道中
不可句

謂繫兒樹上
者喜談全徑
而甚之也使
其退及任所
能行何事於
繫言繫者謬
罪繫又非

道質帳下都督陰齋糧要之、因與為伴、每事相
助經營之、又進少飯、威疑之、密誘問之、乃知都
督也、謝而遣之、後以白質、質杖都督一百、除其
吏名、父子清慎如此、及威為徐州、世祖賜見、與
論邊事、及平生、帝歎其父清、因謂威曰、卿清孰
與父、對曰、臣清不如也、帝曰、何以為勝、汝邪、對
曰、臣父清畏人知、臣清畏
人不知、是以不如遠矣、

鄧攸始避難於道中棄已子全弟子

晉陽秋曰攸字伯道

平陽襄陵人七歲喪父母及祖父母持重九年
性清慎平簡鄧粲晉紀曰永嘉中攸為石勒所
獲召見立幕下與語談之坐而飯焉攸車所止
與胡人鄰轂胡人失火燒車營勒吏案問胡胡
誣攸攸度不可與爭乃曰向為老姥作粥失火
延逸罪應萬死勒知遺之所誣胡厚德攸遺其

以叛吹本作以逃為是

世難萬不兩
全勢不周旋
則可何為苦
繫之樹必欲
殺之本欲頌
鄧公高誼乃
令成一大忍
人中興書於
是為不情矣

驢馬護送令得逸王隱晉書曰攸以路遠斫壞
車以牛馬負妻子以叛賊又掠其牛馬攸語妻
曰吾弟早亡唯有遺民今當步走儋兩兒盡死
不如棄已兒抱遺民吾後猶當有兒婦從之中
與書曰攸棄兒於草中兒啼呼追之至莫復及
攸明日繫兒於樹而去遂渡江至尚書左僕射
卒弟子綏服
既過江取一妾甚寵愛歷年後訊

其所由妾具說是北人遭亂憶父母姓名乃攸
之甥也攸素有德業言行無玷聞之哀恨終身
遂不畜妾

王長豫為人謹順事親盡色養之孝

中興書曰王悅字長

豫丞相導長子也。丞相見長豫輒喜見敬豫輒
仕至中書侍郎。丞相見長豫輒喜見敬豫輒
嗔。文字志曰：王恬字敬豫，導次子也。少卓犖不
羈，疾學尚武，不為導所重。至中軍將軍，多才
藝，善隸書，與濟陽長豫與丞相語，恒以慎密為
江彪以善奕聞。

端丞相還臺及行，未嘗不送至車後。恒與曹夫
人併當箱篋，長豫亡後，丞相還臺，登車後哭。至
臺門，曹夫人作籠封而不忍開。王氏譜曰：導娶
彭城曹韶女，名

淑。恒常侍聞人道深公者，輒曰：此公既有宿名，加

謂不欲人名
其父交非也
意必有長短
之論

先達知稱，又與先人至交，不宜說之。桓彝別傳

倫，譙國龍亢人。漢五更桓榮十世孫也。父穎有
高名，彝少孤，識鑒明朗，避亂渡江，累遷散騎常
侍，僧法深不知其俗姓，蓋衣冠之胤也。道徽高
扇，譽播山東，為中州劉公弟子，值永嘉亂，役迹
楊土，居止京邑，內持法綱，外允具瞻，弘道之法
師也。以業慈清淨，而不耐風塵，考室剡縣，東二
百里，岫山中，同遊十餘人，高棲浩然，支道林宗
其風範，與高麗道人書稱其德行，年七十有九，
終於山中。

庾公乘馬有的盧。晉陽秋曰：庾亮字元規，潁川

雅有德量，時人方之。夏侯太初，陳長文之倫，侍
從父琛，避地會稽，端拱巖然，郡人嚴憚之，覲接

生字作王

之者數人而已。累遷征西大將軍、荊州刺史、伯樂相馬經曰：馬白頰入口至齒者，名曰榆廐。一名的盧，奴乘客死，或語令賣去。語林曰：殷浩勸公賣馬。主乘棄市，凶馬也。

云賣之，必有買者，即復害其生，寧可不安已而

移於他人哉？昔孫叔敖殺兩頭蛇，以為後人古

之美談。賈誼新書曰：孫叔敖為兒時，出道上，見兩頭蛇，殺而埋之，歸見其母，泣問其故。

對曰：夫見兩頭蛇者必死，今出見之，故爾。母曰：夫蛇今安在？對曰：恐後人見殺而埋之矣。母曰：夫

有陰德，必有陽報，爾無憂，後效之不亦達乎？遂興於楚朝，及長為楚令尹。

阮光祿在剡，曾有好車，借者無不皆給，有人葬

母，意欲借而不敢言，阮後聞之，嘆曰：吾有車而

使人不敢借，何以車為？遂焚之。阮光祿別傳口

尉氏人，祖畧，齊國內史，父顛，汝南太守，裕淹通有理識，累遷侍中，以疾築室會稽剡山，徵金紫

光祿大夫，不就。年六十一卒。

謝奕作剡令。中興書曰：謝奕，字無奕，陳郡陽夏人，祖衡，太子少傅，父衷，吏部尚書。

奕少有器鑒，辟太尉掾，剡令，遷豫州刺史。有一老翁犯法，謝以醇酒

罰之，乃至過醉而猶未已。太傅時年七八歲，箸

青布袴，在兄郗邊坐，諫曰：阿兄，老翁可念，何可

此不當入風
惠耶然在兒
年故為盛德

謂外雖不言而未嘗中無之意

綿

使人想見其度益嘆其真後人矜飾曠庶皆當媿死

作此奕於是改容曰阿奴欲放去耶遂遣之

謝太傅絕重褚公常稱褚季野雖不言而四時

之氣亦備文字志曰謝安字安石奕弟也世有學行安弘粹通遠温雅融暢桓彝見

其四歲時稱之曰此兒風神秀徹當繼蹤王東

海善行書累遷太保錄尚書事贈太傅晉陽秋

曰褚裒字季野河南陽翟人祖碧安東將軍父

治武昌太守裒少有簡貴之風沖默之稱累遷

江充二州刺史贈侍中太傅

劉尹在郡臨終錦綉聞閣下祠神鼓舞正色曰

莫得淫祀劉尹別傳曰愔字真長沛國蕭人也漢氏之後真長有雅裁雖草門陋巷

晏如也歷司徒左長史侍中丹陽尹外請殺車

為政務鎮靜信誠風塵不能移也

中牛祭神真長答曰丘之禱久矣勿復為煩包氏

論語曰禱請也孔安國曰孔子素行合於神明故曰丘之禱久矣

謝公夫人教兒問太傅那得初不見君教兒答

曰我常自教兒謝氏譜曰安娶沛國劉耽女按太尉劉子真清潔有志操行已

以禮而二子不才並瀆貨致罪子真坐免官客

所聞見而不放效豈嚴訓所變

邪安石之旨同子真之意也

晉簡文為撫軍時續晉陽秋曰帝諱昱字道萬中宗少子也仁聞有智度穆

世說卷一 德行 十六

此復何足與
于德行正應
彈鼠不應彈
人
解誤可咲

帝幼冲以撫軍輔政大司馬桓温所坐牀上塵
廢海西公而立帝在位二年而崩
不聽拂見鼠行跡視以為佳有叅軍見鼠白日
行以手板批殺之撫軍意色不說門下起彈教
曰鼠被害尚不能忘懷今復以鼠損人無乃不
可乎

范宣年八歲後園挑菜誤傷指大啼人問痛邪
答曰非為痛身體髮膚不敢毀傷是以啼耳宣別
傳曰宣字子宣陳留人漢萊蕪長范丹後也年
十歲能誦詩書兒童時手傷改容家人以其年

幼皆異之徵太學博士散騎
常侍一無所就年五十四卒
宣潔行廉約韓豫

章遺絹百匹不受中典書曰宣家至貧罕交人

不完欲為改室宣固辭羨愛之以宣貧加年饒
疾疫厚餉給之宣又不受續晉陽秋曰韓伯字
康伯潁川人好學善言理
歷豫章太守領軍將軍
減五十匹復不受如

是減半遂至一匹既終不受韓後與范同載就
車中裂二丈與范云人寧可使婦無幃邪范笑

而受之

情真語快

此得入德行
者見子敬生
平無隱患耳
離婚以奉詔

王子敬病篤道家上章應首過問子敬由來有

世說卷一
德行
十七

王當住主
尚王子敬嘗

有書遺故婦

辭甚楚宋弘

律之不得為

無過

人生至此足

稱真過更以

尚主為嫌耳

五盤即不為

少

何異同得失子敬云不覺有餘事唯憶與郗家

離婚王氏譜曰獻之娶高平郗曇女名道茂後

離婚獻之別傳曰祖父曠淮南太守父羲之右將軍咸寧中詔尚餘姚公主遷中書令卒

殷仲堪既為荊州值水儉食常五盤盤外無餘

肴飯粒脫落盤席間輒拾以噉之雖欲率物亦

緣其性真素每語子弟云勿以我受任方州云

我豁平昔時意今吾處之不易貧者士之常焉

得登枝而捐其本爾曹其存之晉安帝紀曰仲堪陳郡人太常

融孫也車騎將軍謝玄請為長史孝武說之俄為黃門侍郎自殺袁悅之後上深為晏駕後計故先出王恭為北蕃荊州刺史王忱死乃中詔用仲堪代焉

初相南郡楊廣共說殷荊州宜奪殷覬南蠻以

自樹相靈寶別傳曰玄字敬道譙國龍亢人大司馬溫少子也幼童中溫甚器愛之命以

為嗣年七歲襲封南郡公拜太子洗馬義興太守不得志少時去職歸其國與荊州刺史殷仲

堪素舊情好甚隆周祇隆安記曰廣字德度弘農人楊震後也晉安帝紀曰覬字伯道陳郡人

由中書郎出為南蠻校尉覬亦以率易才悟著稱與從弟仲堪俱知名中興書曰初仲堪欲起

兵密邀覬覬不同楊廣與覬亦即曉其旨嘗因弟佗期勸殺覬仲堪不許

世說卷一

德行

十六

如此去官亦大善

行散率爾去下舍便不復還內外無預知者意

色蕭然遠同鬪生之無愠時論以此多之春秋傳曰

楚令尹子文鬪氏也論語曰令尹子文三仕為令尹無喜色三已之無愠色

王僕射在江州為殷相所逐奔竄豫章存亡未

測徐廣晉紀曰王愉字茂和太原晉陽人安北將軍坦之次子也以輔國司馬出為江州刺

史愉始至鎮而相玄楊佺期舉兵以應王恭乘流奄至愉無防惶遽奔臨川為玄所得玄篡位

遷尚書左僕射王綏在都既憂憾在貌居處飲食每事

有降時人謂為試守孝子中興書曰綏字彥猷愉子也少有令譽自

俗人薄語正是不得不爾

謂未測其父存亡而先為喪容故曰試守

王渾至坦之六世盛德綏又知名于時冠冕莫與為比位至中書令荆州刺史相玄敗後與父愉謀反伏誅

相南郡也玄既破殷荊州收殷將佐十許人咨議

羅企生亦在焉玄別傳曰玄克荊州殺殷道護及仲堪參軍羅企生鮑季禮皆

仲堪所親仗也相素待企生厚將有所戮先遣人語云

若謝我當釋罪企生答曰為殷荊州吏今荊州

奔亡存亡未判我何顏謝相公中興書曰企生字宗伯豫章人

殷仲堪初請為府功曹相玄來攻轉咨議參軍仲堪多疑少決企生深憂之謂其弟遵生日殷

世說卷一 德行 十九

疾仁而無斷事必無成成敗天也吾當死生以之及仲堪走文武竝無送者唯企生從焉路經家門遵生給之曰作如此分別何可不執手企生回馬授手遵生便牽下之謂曰家有老母將欲何行企生揮泣曰今日之事我必死之汝等奉養不失子道一門之內有忠與孝亦復何恨遵生抱之愈急仲堪於路待之企生遙呼曰今日死生是同願少見待仲堪見其無脫理策馬而去俄而玄至人士悉詣玄企生獨不往而營理仲堪家或謂曰玄性猜忌未能取卿誠節若遂不請禍必至矣企生正色曰我殷侯吏見遇以國士不能共殄醜逆致此奔敗何面目就相求生乎玄聞怒而收之謂曰相遇如此何以見負企生日使君口血未乾而生此姦計自傷力劣不能剪定凶逆我死恨晚爾玄遂斬之時年三十有七衆咸悼之既出市相又

遣人問欲何言答曰昔晉文王殺嵇康而嵇紹

為晉忠臣

王隱晉書曰紹字延祖譙國鉅人父康有奇才儁辯紹十歲而孤事母孝

謹累遷散騎常侍惠帝敗於蕩陰百官左右皆奔散唯紹儼然端冕以身衛帝兵交御輦飛箭雨集遂以見害也從公乞一弟以養老母相亦如言宥

之相先曾以一羔裘與企生母胡胡時在豫章

企生問至即日焚裘

王恭從會稽還

周祗隆安記曰恭字孝伯太原晉陽人祖父濛司徒左長史風

流標望父蘊鎮軍將軍亦得世譽恭別傳曰恭清廉貴峻志存格正起家著作郎歷丹陽尹中

世說卷一

德行

二十

恨哉此母六以是傳

無深無要有
襟有度

書令出為五州都督前王太看之王忱小字佛大晉安帝紀將軍青兗二州刺史日忱字元達平北將軍坦之第四子也甚得名於當世與族子恭少相善齊聲見稱仕至荊州刺史見其坐六尺簟因語恭卿東來故應有此物可以一領及我恭無言大去後即舉所坐者送之既無餘席便坐薦上後大聞之甚驚曰吾本謂卿多故求耳對曰丈人不悉恭恭作人無長物。

吳郡陳遺

未詳

家至孝母好食錙底焦飯遺作郡

主簿恒裝一囊每煮食輒貯錄焦飯歸以遺母

後值孫恩賊出吳郡

晉安帝紀曰孫恩一名靈秀琅邪人叔父泰事五斗

米道以謀反誅恩逸逃於海上聚眾十萬人袁

攻沒郡縣後為臨海太守辛昺斬首送之袁

府君山松別見即日便征遺已聚斂得數斗焦飯未

展歸家遂帶以從軍戰於滬瀆敗軍人潰散逃

走山澤皆多饑死遺獨以焦飯得活時人以爲純孝之報也

孔僕射為孝武侍中豫蒙眷接烈宗山陵孔時

如此細事寫
得宛至更有
不厭

為太常形素羸瘦著重服竟日涕泗流漣見者

以為真孝子

續晉陽秋曰孔安國字安國會稽山陰人車騎愉第六子也少而孤

貧能善樹節以儒素見稱歷侍中太常尚書遷左僕射特進卒

吳道助附子兄弟居在丹陽郡後遭母童夫人

艱道助坦之小字附子隱之小字也吳氏譜曰坦之字處靖濮陽人仕至西中郎將功曹父

娶取東苑童僧女名秦姬朝夕哭臨及思至賓客弔省號踊

哀絕路人為之落淚韓康伯時為丹陽尹母殷

在郡每聞二吳之哭輒為悽惻語康伯曰汝若

本為二吳孝行而韓母在焉善觀人者也

為選官當好料理此人康伯亦甚相知韓後果

為吏部尚書大吳不免哀制小吳遂大貴達鄭

孝子傳曰隱之字處默少有孝行遭母喪哀毀

過禮時與太常韓康伯鄰居康伯母揚州刺史

殷浩之妹聰明婦人也隱之每哭康伯母輒輟

事流涕悲不自勝終其喪如此謂康伯曰汝後

若居銓衡當用此輩人後康伯為吏部尚書乃

進用之晉安帝紀曰隱之既有至性加以廉潔

奉祿頌九族冬月無被相玄欲革嶺南之敝以

隱之孝廉乃為相玄吏人無完行

隱之為刺史自酌貪泉飲之題石門為詩云云

言語上

邊文禮見袁奉高也失次序文士傳曰邊讓字

辯逸大將軍何進聞其名召署令史以禮見之

讓占對閒雅聲氣如流坐客皆慕之讓出就曹

時孔融王朗等並前為掾共書刺從讓讓平

衡與交接後為九江太守為魏武帝所殺奉

高曰昔堯聘許由面無怍色皇甫謐曰由字武

堯舜皆師而學事焉後隱於沛澤之中堯乃致

天下而讓焉由為人據義履方邪席不坐邪饒

不食聞堯讓而去其友巢父聞由為堯所讓以

為汚已乃臨池洗耳池主怒曰何以汚我水由

又添一怪

於是遁耕於中嶽潁水之陽箕山之下終身無
經天下色死葬箕山之顛在陽城之南十里堯
因就其墓號曰箕山公神以配先生何為顛倒

衣裳文禮答曰明府初臨堯德未彰是以賤民

顛倒衣裳耳按袁闕卒於太尉掾未嘗為汝南斯說謬矣

徐孺子也年九歲嘗月下戲人語之曰若令月

中無物當極明邪五經通議曰月中有兔蟾蜍

兔並明何陰者月陰也蟾蜍亦陰也而與

繫於陽也此必不明徐曰不然譬如人眼中有瞳子無

此語極未易
正是克勝

孔文舉融也年十歲隨父到洛時李元禮有盛名

為司隸校尉詣門者皆僞才清稱及中表親戚

乃通文舉至門謂吏曰我是李府君親既通前

坐元禮問曰君與僕有何親對曰昔先君仲尼

與君先人伯陽有師資之尊是僕與君奕世為

通好也元禮及賓客莫不竒之太中大夫陳躡

後至人以其語語之躡曰小時了了大未必佳

文舉曰想君小時必當了了躡大踈踏續漢書曰孔融

註不如

字文舉魯國人孔子二十四世孫也高祖父尚
鉅鹿太守父宙泰山都尉融別傳曰融四歲與
兄食梨輒引小者人問其故答曰小兒法當取
小者年十歲隨父詣京師河南尹李膺有重名
融欲觀其為人遂造之膺問高明父祖嘗與僕
周旋乎融曰然先君孔子與君先人李老君同
德比義而相師友則融與君累世通家也眾坐
莫不歎息僉曰異童子也太中大夫陳躡後至
同坐以告躡曰人小時了了者長大未必能竒
融應聲曰即如所言君之幼時豈實慧乎膺大
笑顧謂融曰長大必為偉器

孔文舉有二子大者六歲小者五歲晝日父眠

小者牀頭盜酒飲之大兒謂曰何以不拜答曰

此兩段可稱
夙慧未足當
言語

偷那得行禮

語自可傷

孔融被收中外惶怖時融兒大者九歲小者八歲二兒故琢釘戲了無遽容融謂使者曰冀罪止於身二兒可得全不見徐進曰大人豈見覆巢之下復有完卵乎尋亦收至魏氏春秋曰融對孫權使有訕謗之言坐棄市二子方八歲九歲融見收奕棋端坐不起左右曰而父見執二子曰安有巢覆而卵不破者哉遂俱見殺世語曰魏太祖以歲儉禁酒融謂酒以成禮不宜禁由是惑眾太祖收寘法焉二子齟齬見收顧謂二子曰何以不辟二子曰父尚如此復何所辟裴松之以為世

此論甚正可據

語云融兒不辟知必俱死猶差可安孫盛之言誠所未譬八歲小兒能懸了禍患聰明特達卓然既遠則其憂樂之情固亦有過成人矣安有見父被執而無變容奕棋不起若在暇豫者乎昔申生就命言不忘父不以已之將死而廢念父之情也父安尚猶若茲而况顛沛哉盛以此為美談無乃賊夫人之子與蓋由好奇情多而不知言之傷禮也

穎川太守髡陳仲弓

按寔之在鄉里州郡有疑獄不能決者皆將詣寔或

到而情首或中途改辭或託狂慄皆曰寧為刑戮所苦不為陳君所非豈有盛德感人若斯之甚而不自衛反招刑辟殆不然乎此所謂東野之言耳

客有問元方府君

何如元方曰高明之君也足下家君何如曰忠

臣孝子也。客曰：易稱二人同心，其利斷金。同心

之言，其臭如蘭。

王廙注：繫辭曰：金至堅，天同心者，其利無不入。蘭，芳物也。無不

樂者言其同心者，物無不樂也。

何有高明之君而刑忠臣孝子

者乎？元方曰：足下言何其謬也。故不相答。客曰：

足下但因偃為恭而不能答。元方曰：昔高宗放

孝子，孝已。

帝王世紀曰：殷高宗武丁有賢子孝已，其母蚤歿，高宗感後妻之言，放之

而歿，天下哀之。

尹吉甫放孝子伯奇。

琴操曰：尹吉甫，周卿也，有子伯奇，母

歿，更娶後妻，生子曰伯邳，乃譖伯奇於吉甫。於是放伯奇於野。宣王出遊，吉甫從，伯奇乃作歌

以言感之。宣王聞之曰：此孝子之辭也。吉甫乃求伯奇於野而射殺後妻。

董仲舒放

孝子符起。

未詳。

唯此三君高明之君，唯此三子忠

臣孝子，客慚而退。

荀慈明與汝南袁閔相見。

荀爽，一名諶，漢南紀曰：諶，文章典籍無不

法。時人諺曰：荀氏八龍，慈明無雙。潛處篤志，徵聘無所就。張璠漢紀曰：董卓秉政，復徵爽。爽欲遁去，吏持之急，起布衣。九十五日而至三公。

問潁川人士，慈明先及

諸兄，閔笑曰：士但可因親舊而已乎？慈明曰：足

下相難依據者，何經？閔曰：方問國士而及諸兄

是以尤之耳慈明日昔者祁奚內舉不失其子

外舉不失其讐以為至公春秋傳曰祁奚為中軍尉請老晉侯問嗣

焉稱解狐其讐也將立之而卒又問焉對曰午

也可其子也君子謂祁奚可謂能舉善矣稱其

讐不為諂立公旦文王之詩不論堯舜之德而

頌文武者親親之義也春秋之義內其國而外

諸夏且不愛其親而愛他人者不為悖德乎

彌衡被魏武謫為鼓吏正月半試鼓衡揚枹為

漁陽搯淵淵有金石聲四坐為之改容 典略曰衡

慘所斬切

字正平平原般人也文士傳曰衡不知先所出

逸才飄舉少與孔融作爾汝之交時衡未滿二

十融已五十敬衡才秀共結殷勤不能相違以

建安初北遊或勸其詣京師貴游者衡懷一刺

遂至漫滅竟無所請融數與武帝賤稱其才帝

傾心欲見衡稱疾不肯往而數有言論帝甚忿

之以其才名不殺圖欲辱之乃令錄為鼓吏後

至八月朝會大閱試鼓節作三重閣列坐賓客

以帛絹製衣作一岑牟一單絞及小幘鼓吏度

只以世說自
可增入脫衣
無害但覺度
者在前極是
幸若被鼓吏
易衣豈必在
前耶

世說卷一

言語

二十七

孔語爲卒為
操掩羞固當
有此

辱孤至今有漁陽慘過。孔融曰：禍衡罪同胥靡。自衡造也。爲黃祖所殺。孔融曰：禍衡罪同胥靡。不能發明王之夢。皇甫謐帝王世紀曰：武丁夢求諸天下見築者胥靡衣褐於傅巖之野，是謂傅說。張晏曰：胥靡刑名，胥相也，靡從也，謂相從坐輕刑也。魏武慚而赦之。

南郡龐士元聞司馬德操在潁川，故二千里候

之。至遇德操采桑，士元從車中謂曰：吾聞丈夫

處世當帶金佩紫，焉有屈洪流之量而執絲婦

之事。

蜀志曰：龐統，字士元，襄陽人，少時樸鈍，未有識者。潁川司馬德操有知人之鑒，士元弱

冠往見徽，徽采桑樹上坐，士元樹下共語，自晝

至夜，徽異之，曰：生當爲南州士人之冠冕，由是

漸顯。襄陽記曰：士元，德公之從子也，年少未有

識者，唯德公重之，年十八，使往見德操，與語歎

曰：德公誠知人，實盛德也。後劉備訪世事於德

操，德操曰：俗士豈識時務，此間自有伏龍鳳雛，

謂諸葛孔明與士元也。華陽國志曰：劉備引士

元爲軍帥，中郎將從攻洛，爲流矢所中，卒。時年

三十。德操曰：司馬徽別傳曰：徽，字德操，潁川陽

八。性暗，必害善人，乃括囊不談議，時人有以人物

問徽者，初不辨其高下，每輒言佳，其婦諫曰：人

質所疑，君宜辨論，而一皆言佳，豈人所以咨君

之意乎？徽曰：如君所言，亦復佳，其婉約遜遁如

此，嘗有妄認徽豬者，便推與之，後得其豬叩頭

來還，徽又厚辭謝之。劉表子琮往候徽，遣問在

世說卷一

不會微自鋤園，琮左右問司馬君在邪？微曰：我
是也。琮左右見其醜陋，罵曰：死庸將，軍諸郎欲
求見司馬君，汝何等田奴而自稱是邪？微歸刈
頭，箸憤出見琮，左右見微，故是向老翁，恐向琮
道之，琮起，叩頭辭謝。微乃謂曰：卿真不可然，吾
甚羞之。此自鋤園，唯卿知之耳。有人臨蠶，求簇
箔者，微自棄其蠶而與之，或曰：凡人損已以贍
人者，謂彼急我，緩也。今彼此正等，何為與人微
曰：人未嘗求已，求之不與，將慚何有？以財物令
人慚者，人謂劉表曰：司馬德操，奇士也，但未遇
耳。表後見之曰：世間人為妄語，此直小書生耳。
其智而能愚，皆此類。荊州破，為曹操所得，操欲
大用，會子且下車，子適知邪徑之速，不慮失道
其病矣。子且下車，子適知邪徑之速，不慮失道
之迷。昔伯成耦耕，不慕諸侯之榮。莊子曰：堯治
天下，伯成子

高立為諸侯，禹為天子，伯成辭諸侯而耕於野。
禹往見之，趨就下風而問焉。子高曰：昔堯治天
下，不賞而民勸，不罰而民畏，今子賞罰而民且
不仁，德自此衰，刑自此立。夫子盍行邪？毋落吾
事。
原憲桑樞，不易有官之宅。家語曰：原憲，字子
思，宋人。孔子弟子。

居魯，環堵之室，茨以生艸，蓬戶不完，桑樞而瓮
牖，上漏下濕，坐而弦歌。子貢軒車不容巷，往見
之，曰：先生何病也？憲曰：憲聞無財謂之貧，學而
不能行謂之病。今憲貧也，非病也。夫希世而行，
比周而友，學以為人，教以為己，仁義之慝，輿馬之飾，憲不忍為也。
何有坐則華

屋行則肥馬，侍女數十，然後為奇。此乃許父。許

巢父所以忼慨，夷齊所以長歎。孟子曰：伯夷、叔齊
目不視惡色，耳不

聽惡聲與鄉人居若在
雖有竊秦之爵千駟之

塗炭蓋聖人之清也
富古史考曰呂不韋為秦子楚行千金貨於華

陽十萬戶號文信侯以許獲爵故曰竊也論語

曰齊景公有馬千駟民無德而稱焉孔安國曰

千駟四不足貴也士元曰僕生出邊垂寡見大

義若不一叩洪鍾伐雷鼓則不識其音響也

劉公幹以失敬罹罪典略曰劉楨字公幹東平

為五官中郎將妙選文學使楨隨侍太子酒酣

坐歡乃使夫人甄氏出拜坐上客多伏而楨獨

平視他日公聞乃收楨滅處輪作部文士傳曰

楨性辯捷所問應聲而答坐平視甄夫人配輸

狂宜有此曹
公不得不同
磨石甚奇匡
坐似悅

說磨石甚有
情致

夫自責辭以
教臣悖

何以不謹於文憲楨答曰臣誠庸短亦由陛下

綱目不疎魏志曰帝諱丕字子桓受漢禪按諸

年病亡後七年文帝乃即位

而謂楨得罪黃初之時謬矣

鍾毓鍾會少有令譽魏書曰毓字稚叔潁川長

四為散騎侍郎棧捷談笑

有父風仕至車騎將軍

年十三魏文帝聞之

註是

語其父鍾繇

魏志曰繇字元常家貧好學為周易老子訓歷大理相國遷太傅

曰可令二子來於是敕見毓面有汗帝曰卿面

何以汗毓對曰戰戰惶惶汗出如漿復問會卿

何以不汗對曰戰戰慄慄汗不敢出

鍾毓兄弟小時值父晝寢因共偷服藥酒其父

時覺且託寐以觀之毓拜而後飲會飲而不拜

魏志曰會字士季繇少子也毓惠夙成中護軍
蔣濟著論謂觀其眸子足以知人會年五歲繇
遣見濟濟甚異之曰非常人也及壯有才數精
練名理累遷黃門侍郎諸葛誕反文王征之會

謀居多時人謂之子房拜鎮西將軍伐蜀蜀平
進位司徒自謂功名蓋世不可復為人下謂所
親曰我淮南以來畫無遺策四海共知既而問
持此欲安歸乎遂謀反見誅時年四十
毓何以拜毓曰酒以成禮不敢不拜又問會何
以不拜會曰偷本非禮所以不拜

魏明帝為外祖母築館於甄氏

魏末傳曰帝諱睿字元仲文帝

太子以其母廢未立為嗣文帝與俱獵見子母
鹿文帝射其母應弦而倒復令帝射其子帝置
弓泣曰陛下已殺其母臣不忍復殺其子文帝
曰好語動人心遂定為嗣是為明帝魏書曰文
昭甄皇后明帝母也父逸上蔡令烈宗即位追
封上蔡君嫡孫象襲爵象夢子暢嗣起大第車

駕親自臨之。既成，自行視，謂左右曰：館當以何為名？

侍中繆襲曰：文章叙錄曰：襲，字熙伯，東海蘭陵人，有才學，累遷侍中，光祿勳。陛

下聖思齊於哲王，罔極過於曾閔，此館之興，情

鍾舅氏宜以渭陽為名。秦詩曰：渭陽，康公念母也。康公之母，晉獻公之

女，文公遭驪姬之難，未反而秦姬卒，穆公納文公，康公時為太子，贈送文公於渭之陽，念母之

不見也。我見舅氏，如母存焉。按魏書：帝於後園為象母起觀，名其里曰渭陽，然則象母，即帝之

舅母，非外祖母也。且渭陽為館名，亦乖舊史也。

何平叔云：服五石散，非唯治病，亦覺神明開朗。

六朝貴族每病輒云散動

以為佳往往

死而不悟蓋

金石之毒也

平叔實始作

備

不足辱言語

之科

魏略曰：何晏，字平叔，南陽宛人，漢大將軍進孫也。或云何苗孫也。尚主，又好色，故黃初時無所事任。正始中，曹爽用為中書主選舉，宿舊者多得濟拔，為司馬。宣王所誅，秦丞相寒食散論曰：寒食散之方，雖出漢代，而用之者寡，靡有傳焉。魏尚書何晏首獲神效，由是大行於世，服者相尋也。

嵇中散語趙景真。嵇紹，趙至敘曰：至，字景真，代

令新之官。至年十二，與母共道傍看，母曰：汝先

世非微賤家也。汝後能如此不？至曰：可爾耳。歸

便求師誦書，蚤聞父耕叱牛聲，釋書而泣。師問

之，答曰：自傷不能致榮華，而使老父不免勤苦

年十四，入大學觀。時先君在學，寫石經古文，事

訖去，遂隨車問先君姓名。先君曰：年少何以問

世談卷一 言語

世人但知蔡中郎石經不知有嵇中散此註具一大故事

為貪慕叔夜至此情痛可矜嵇紹叙它感歎未歷皆別此孺子忽忽過一生惜哉

本語量扶文采支離可恨爾

我至日觀君風器非常故問耳先君具告之至年十五陽病數數狂走五里三里為家追得又灸身體十數處年十六遂亡命徑至洛陽求索先君不得至鄴沛國史仲和是魏領軍史渙孫也至便依之遂名翼字陽和先君到鄴至具道大學中事便逐先君歸山陽經年至長七尺三寸潔白黑髮赤脣明目鬚鬚不多閒詳安諦體若不勝衣先君嘗謂之曰卿頭小而銳瞳子白黑分明視瞻停諦有白起風至論議清辯有從橫才然亦不以自長也孟元基辟為遼東從事在郡斷九獄見稱清當自痛棄親遠卿瞳子白游母亡不見吐血發病服未竟而亡

黑分明有白起之風

嚴尤三將敘曰白起平原君勸趙孝成王受馮亭王

曰受之秦兵必至武安君必將誰能當之者乎對曰澠池之會臣察武安君頭小而面銳瞳子

白黑分明視瞻不轉小頭而面銳者敢斷決也瞳子白黑分明者見事明也視瞻不轉者執志強也可與持久難與爭鋒廉頗為入勇鷲而愛士知難而忍恥與之野戰則不如持守足以當之王從恨量小狹趙云尺表能審璣衡之度周曰夏至北方二萬六千里冬至南方十三萬五千里日中樹表則無影矣周髀長八尺夏至日晷尺六寸髀股也髀勾也正南千里勾尺五寸正北千里勾尺七寸周髀之書也

能測往復之氣

呂氏春秋曰黃帝使伶倫自大夏之西崑崙之陰取竹之嶰谷

生其竅厚薄均者斷兩節間而吹之以為黃鍾之管制十二筩以聽鳳凰之鳴雄鳴六雌鳴六以為律呂續漢書律曆志曰十二律之變至於六十以律候氣候氣之法為室三重戶閉塗墾

必周密布緹幔以木為案加律其上以葭葦何
灰抑其內為氣所動者其灰散也以此候之
必在大但問識如何耳

司馬景王東征

魏書曰司馬師字子元相國宣文侯長子也以道德清粹重於

朝廷為大將軍錄尚書事母丘儉反師自征之薨謚景王

取上黨李喜以為

從事中郎因問喜曰昔先公辟君不就今孤召

君何以來喜對曰先公以禮見待故得以禮進

退明公以法見繩喜畏法而至耳

晉諸公贊曰喜字季和上

黨銅鞮人也少有高行研精藝學宣帝為相國辟喜喜固辭疾景帝輔政為從事中郎累遷光

語意疎正

祿大夫特進贈太保

鄧艾口喫語稱艾艾

魏志曰艾字士載棘陽人少為農人養犢年十二隨

母至潁川讀故太丘長碑文曰言為世範行為士則遂名範字士則後宗族有同者故改焉每

見高山大澤輒規度指畫軍營處所時人多笑焉後見司馬宣王三辟為掾累遷征西將軍伐

蜀蜀平進位太尉為衛瓘所害

晉文王戲之曰卿云艾艾定是

幾艾對曰鳳兮鳳兮故是一鳳

朱鳳晉紀曰文王諱昭字子上

宣帝次子也列仙傳曰陸通者楚狂接輿也好養性游諸名山嘗遇孔子而歌曰鳳兮鳳兮何德之衰往者不可諫來者猶可追後入蜀在峩眉山中

倉卒對乃妙絕
在對

向之此語如
負叔夜

嵇中散既被誅向子期舉郡計人洛文王引進

問曰聞君有箕山之志何以在此對曰巢許狷

介之士不足多慕王大咨嗟向秀別傳曰秀字子期河內人少為

同郡山濤所知又與譙國嵇康東平呂安友善

並有拔俗之韻其進止無不同而造事營生業

亦不異常與嵇康偶鍛於洛邑與呂安灌園於

山陽不慮家之有無外物不足拂其心弱冠著

儒道論棄而不錄好事存之或云是其族人所

作困於不行乃告秀欲假其名秀笑曰可復爾

耳後康被誅秀遂失圖乃應歲舉到京師請大

將軍司馬文王文王問曰聞君有箕山之志何

能自屈秀曰常謂被人不達堯意本非所慕

也一坐皆說隨次轉至黃門侍郎散騎常侍

